

REGIONAL NEWS UNIT  
ALL INDIA RADIO, AGARTALA

Date: 16-02-2026

Time: 07:55-08:05 PM Hrs

BENGALI EVENING BULLETIN

**Headlines :**

(১) রাজ্যের বিভিন্ন স্থানে কৃষকদের কাছ থেকে সহায়ক মূল্যে ধান কেনা শুরু হয়েছে।

(২) প্রধানমন্ত্রী নরেন্দ্র মোদী আজ নয়াদিল্লিতে কৃত্রিম বুদ্ধিমত্তার প্রভাব সংক্রান্ত পাঁচ দিনের আন্তর্জাতিক শীর্ষ সম্মেলনের উদ্বোধন করেছেন।

(৩) কেন্দ্রীয় স্বরাষ্ট্রমন্ত্রী অমিত শাহ বলেছেন কাশ্মীর, উত্তর-পূর্ব ভারত এবং মাওবাদী-প্রভাবিত অঞ্চলগুলিতে সহিংসতা ৮০ শতাংশ হ্রাস পেয়েছে।

(৪) ভক্তি ও আধ্যাত্মিক ভাবগাম্ভীর্যের মধ্য দিয়ে আজ মহাশিবরাত্রি উৎসব সম্পন্ন হয়েছে।

(৫) মহিলাদের জাতীয় সিনিয়র ক্রিকেটের সীমিত ওভারের আসরে গ্রুপের ষষ্ঠ খেলায় ত্রিপুরা জয়লাভ করেছে।

\*\*\*\*\*

**Paddy procurement- Jolaibari:**

খাদ্য দপ্তরের উদ্যোগে ও কৃষি দপ্তরের সহায়তায় আজ থেকে জোলাইবাড়িতেও সরকারী সহায়ক মূল্যে ধান কেনা শুরু হয়েছে। জোলাইবাড়ির কৃষকদের কাছ থেকে আগামী ৭ দিনে ৮৭৫ মেট্রিক টন ধান কেনার লক্ষ্যমাত্রা নেওয়া হয়েছে।

সিপাহীজলা জেলার ধনপুর নিউ মোটরস্ট্যাভেও ধান কেনা শুরু হয়েছে। আগামী ২০ ফেব্রুয়ারি পর্যন্ত কৃষকদের কাছ থেকে ৬০০ মেট্রিকটন ধান কেনা হবে।

\*\*\*\*\*

### **Paddy purchase, Khowai:**

খাদ্য ও কৃষি দপ্তরের উদ্যোগে আজ থেকে খোয়াই মহকুমাতেও সরকারি সহায়ক মূল্যে কৃষকদের কাছ থেকে ধান কেনা শুরু হয়েছে। এবছর ৩০০ মেট্রিক টন ধান কেনার লক্ষ্যমাত্রা নেওয়া হয়েছে। ধান কেনা হবে আগামী ১৮ ফেব্রুয়ারি পর্যন্ত। এ উপলক্ষে খোয়াই অফিস টিলায় খাদ্য গুদাম প্রাঙ্গণে আয়োজিত অনুষ্ঠানে উপস্থিত ছিলেন খোয়াই পুর পরিষদের চেয়ারপার্সন দেবানীষ নাথ শর্মা, স্থানীয় পঞ্চায়েত সমিতির চেয়ারম্যান টিংকু ভট্টাচার্য প্রমুখ।

\*\*\*\*\*

### **Paddy purchase, Bishalgarh:**

বিশালগড় মহকুমায় আজ থেকে চলতি খরিফ মরশুমের সরকারি সহায়ক মূল্যে কৃষকের কাছ থেকে ধান কেনা শুরু হয়েছে। চলবে আগামী ২৩ ফেব্রুয়ারি পর্যন্ত। খাদ্য ও কৃষি দপ্তরের উদ্যোগে বিশালগড় খাদ্য গুদামে আয়োজিত এই কর্মসূচির উদ্বোধন করেন বিধায়ক সুনীল দেব। উপস্থিত ছিলেন বিশালগড় পঞ্চায়েত সমিতির চেয়ারপার্সন অতসী দাস ও চড়িলাম পঞ্চায়েত সমিতির চেয়ারপার্সন খেলা ভৌমিক।

\*\*\*\*\*

### **Shib Chaturdashi :**

ভক্তি ও আধ্যাত্মিক ভাবগাম্ভীর্যের মধ্য দিয়ে আজ মহাশিবরাত্রি উৎসব সম্পন্ন হয়েছে। রাজ্যেও বিভিন্ন মন্দিরে পুণ্যার্থীরা তিথি অনুযায়ী গতকাল থেকে আজ পর্যন্ত ভগবান শিবের আরাধনায় উপবাসের মধ্য দিয়ে পূজা আরাধনা ও ব্রত পালন করেছেন।

\*\*\*\*\*

## Agri-Equipments:

কৃষকদের আর্থ-সামাজিক মানোন্নয়নের লক্ষ্যে রাজ্য কৃষি দপ্তরের উদ্যোগে তেলিয়ামুড়া কৃষি মহকুমা তত্ত্বাবধায়কের কার্যালয়ে আজ এক অনুষ্ঠানে ৪২ জন স্তুবিধাভোগীর হাতে পাওয়ার উইডার ও পাওয়ার স্প্রয়ার তুলে দেওয়া হয়। অনুষ্ঠানের উদ্বোধন করেন বিধানসভার মুখ্য সচিব কল্যাণী সাহা রায়। তিনি বলেন আধুনিক কৃষি যন্ত্রের ব্যবহার বাড়িয়ে উৎপাদন বৃদ্ধি ও শ্রমব্যয় কমানোই এই প্রকল্পের মূল উদ্দেশ্য। অনুষ্ঠানে উপস্থিত ছিলেন পঞ্চায়েত সমিতির চেয়ারপার্সন দীপা দেব, ভাইস চেয়ারপার্সন নির্মল সূত্রধর, তেলিয়ামুড়া কৃষি মহকুমা তত্ত্বাবধায়ক রিতেশ দে প্রমুখ।

\*\*\*\*\*

## Drugs-Seized:

মাদক বিরোধী অভিযানে বড় ধরনের সাফল্য পেলে আসাম রাইফেলস। গতকাল রাতে কেন্দ্রীয় গোয়েন্দা অধিদপ্তরের সঙ্গে যৌথ অভিযানে আসাম রাইফেলস খোয়াই জেলার মুঙ্গিয়াকামিতে একটি লরিতে তল্লাশি চালিয়ে ৪৫ হাজার ইয়াবা ট্যাবলেট উদ্ধার করেছে। আসাম রাইফেলস জানিয়েছে, উদ্ধারকৃত নেশা সামগ্রীর বাজারমূল্য প্রায় ৪৫ কোটি টাকা। এই অভিযানে হাফিজুল হক নামে আসামের উদালগুড়ির বাসিন্দা এক ব্যক্তিকে আটক করা হয়েছে। আসাম রাইফেলস পক্ষ থেকে এক বিবৃতিতে জানানো হয়েছে।

\*\*\*\*\*

## Inauguration:

বিধায়ক ভগবান চন্দ্র দাস আজ ঊনকোটি জেলার কুমারঘাটের পূর্ব কাঞ্চনবাড়িতে মহকুমা প্রাণী চিকিৎসালয়ের নবনির্মিত পাকা ভবনের দ্বারোদঘাটন করেন। অনুষ্ঠানে বক্তব্য রাখেন, ঊনকোটি জিলা পরিষদের

সভাপতি অমলেন্দু দাশ, প্রাণীসম্পদ বিকাশ দপ্তরের অতিরিক্ত অধিকর্তা ডাঃ  
বিমল কৃষ্ণ দাস প্রমুখ।

\*\*\*\*\*

### **Maan Ki Baat :**

প্রধানমন্ত্রী নরেন্দ্র মোদী আগামী ২২শে ফেব্রুয়ারী, রবিবার সকাল ১১টায়  
আকাশবাণীর ‘মন-কি-বাত’ অনুষ্ঠানে দেশ-বিদেশের জনগনের সঙ্গে  
মতবিনিময় করবেন। এটি হবে ‘মন-কি-বাত’-এর ১৩১তম পর্ব। প্রধানমন্ত্রী  
জনগনকে তাদের স্মৃতিস্তিত চিন্তাভাবনা ‘মন-কি-বাত’-এ জানানোর আহ্বান  
জানিয়েছেন। my gov open forum-এ এবং Narendra Modi App-এ  
জনগণ তাদের মতামত পাঠাতে পারবেন। এছাড়াও TOLL FREE NO.  
1800-11-7800 নম্বরে কল করে হিন্দি বা ইংরেজিতে মতামত রেকর্ড করানো  
যাবে। ফোনলাইন এমাসের ২০ তারিখ পর্যন্ত খোলা থাকবে।

\*\*\*\*\*

### **Update Akashvani :**

এখবর শুনছেন, আকাশবাণী আগরতলা কেন্দ্র থেকে।

#####Sound Byte#####

আকাশবাণীর সংবাদের আপডেট পেতে লগ ইন করুন – ডব্লিউ. ডব্লিউ. ডব্লিউ  
ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং  
টুইটার ও ফেসবুক প্ল্যাটফর্মে-এ এ-আই-আর-নিউজ-এলার্টস-এ। ইউ-টিউব-  
এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা  
এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ  
আগরতলা এবং ইউ টিউবে আকাশবাণী নিউজ আগরতলা।

\*\*\*\*\*

## PM-AI:

প্রধানমন্ত্রী নরেন্দ্র মোদী আজ নয়াদিল্লিতে কৃত্রিম বুদ্ধিমত্তার প্রভাব সংক্রান্ত পাঁচ দিনের আন্তর্জাতিক শীর্ষ সম্মেলনের উদ্বোধন করেছেন। ভারত-এআই ইমপ্যাক্ট সামিট- 2026 শীর্ষক সম্মেলন আগামীদিনে বিশ্বব্যাপী কৃত্রিম বুদ্ধিমত্তা সংক্রান্ত বিষয়ে সিদ্ধান্ত গ্রহণের মূল মঞ্চ হিসেবে ভারতের ভূমিকাকে শক্তিশালী করবে। এই সম্মেলনে যোগদানের জন্য দুই লক্ষেরও বেশি মানুষ অনলাইনে নিবন্ধন করেছেন।

কেন্দ্রীয় তথ্য প্রযুক্তি মন্ত্রী অশ্বিনী বৈষ্ণব আজ বলেছেন ভারতের দ্রুত উন্নয়নশীল অর্থনীতি দেশের শক্তিশালী ডিজিটাল পরিকাঠামো এবং দক্ষ জনসংখ্যা দ্বারা চালিত হচ্ছে। নয়াদিল্লিতে AI ইমপ্যাক্ট সামিট 2026-এর অফিসিয়াল স্যাটেলাইট ইভেন্টের অধিবেশনে আলাপচারিতায় তিনি একথা বলেন।

তিনি বলেন, কৃষি, আবহাওয়া পূর্বাভাস, জলবায়ু কর্মকাণ্ড, নতুন উপকরণ আবিষ্কার এবং উৎপাদনশীলতার মতো ক্ষেত্রে কৃত্রিম বুদ্ধিমত্তা অসাধারণ সুযোগ এনে দিচ্ছে। ভারত একটি সুসম এবং দায়িত্বশীল এআই ভবিষ্যত গঠনে অগ্রণী ভূমিকা পালন করতে চায়।

##### Ashwini Baishnaw Byte #####

\*\*\*\*\*

## Bangladesh-Oath:

আগামীকাল বিকেলে ঢাকায় জাতীয় সংসদ ভবনের দক্ষিণ প্লাজায় এক অনুষ্ঠানে শপথ নেবেন বাংলাদেশের ত্রয়োদশ জাতীয় সংসদের নবনির্বাচিত সদস্যবৃন্দ, প্রধানমন্ত্রী এবং মন্ত্রিসভার সদস্যগণ। বাংলাদেশ জাতীয়তাবাদী দল

(বিএনপি)-এর চেয়ারম্যান তারেক রহমান গণপ্রজাতন্ত্রী বাংলাদেশ সরকারের নতুন প্রধানমন্ত্রী হিসেবে শপথ গ্রহণ করবেন।

রাষ্ট্রপতি মোহাম্মদ সাহাবুদ্দিন প্রধানমন্ত্রী এবং মন্ত্রিসভার নতুন সদস্যদের শপথবাক্য পাঠ করাবেন।

বিএনপি-র পক্ষ থেকে জানানো হয়েছে, শপথ গ্রহণ অনুষ্ঠান সার্কভুক্ত দেশ সহ বিশ্বের বিভিন্ন প্রান্তের প্রায় ১,২০০ জন বিশিষ্ট অতিথি উপস্থিত থাকবেন।

\*\*\*\*\*

### **Amit Shah:**

কেন্দ্রীয় স্বরাষ্ট্রমন্ত্রী অমিত শাহ বলেছেন কাশ্মীর, উত্তর-পূর্ব ভারত এবং মাওবাদী-প্রভাবিত অঞ্চলগুলিতে সহিংসতা ৮০ শতাংশ হ্রাস পেয়েছে। আজ দিল্লি পুলিশের ৭৯তম প্রতিষ্ঠা দিবস উদযাপন উপলক্ষে ভাষণ দিতে গিয়ে তিনি একথা বলেন।

শ্রী শাহ বলেন, নয়াদিল্লিতে পুলিশী ব্যবস্থা আরও শক্তিশালী করার জন্য আজ দিল্লি পুলিশের স্পেশাল সেল ইন্টিগ্রেটেড হেডকোয়ার্টারের ভিত্তিপ্রস্তর স্থাপন করা হয়েছে। মাদক পাচার ও সন্ত্রাসবাদের বিরুদ্ধে লড়াইয়ের জন্য এটি দেশের অন্যতম কেন্দ্র হয়ে উঠবে।

স্বরাষ্ট্রমন্ত্রী বলেন, দিল্লি পুলিশের বিশেষ সেল মাদক সিডিকেট, জাল ভারতীয় মুদ্রার র্যাকেট এবং সাইবার অপরাধের মামলা তদন্তে গুরুত্বপূর্ণ ভূমিকা পালন করেছে, পাশাপাশি দেশজুড়ে বেশ কয়েকটি বড় সন্ত্রাসবাদী কার্যকলাপের ঘটনা তদন্ত করেছে। পাশাপাশি স্বরাষ্ট্রমন্ত্রী শ্রী শাহ দেশের তিনটি নতুন ফৌজদারি আইনের কার্যকারিতা নিয়ে বিস্তারিত উল্লেখ করেন।

#####Amit Shah Byte#####

\*\*\*\*\*

## MLA Dipankar Sen:

বিধায়ক দীপঙ্কর সেন দক্ষিণ জেলায় একটি NIT স্থাপনের জন্য দাবি জানিয়েছেন। তাছাড়া, একটি জাতীয় প্রযুক্তি কেন্দ্র খোলার জন্যও তিনি রাজ্য সরকারের কাছে দাবি জানিয়েছেন।

\*\*\*\*\*

## Women Cricket:

মহিলাদের জাতীয় সিনিয়র ক্রিকেটের সীমিত ওভারের আসরে গ্রুপের ষষ্ঠ খেলায় ত্রিপুরা ফের জয়লাভ করেছে। আজ রাঁচিতে অনুষ্ঠিত খেলায় রাজ্যদল ৭ উইকেটে সৌরাষ্ট্রকে হারিয়ে দেয়। মোট ছয়টি খেলায় রাজ্যদল ২টিতে জয় পায়, অপর চারটি ম্যাচে পরাজিত হয়।

\*\*\*\*\*

## Weather:

মধ্য ভারত মহাসাগর ও দক্ষিণ-পূর্ব বঙ্গোপসাগরের উপর একটি ঘূর্ণাবর্ত সক্রিয় রয়েছে। এর প্রভাবে আগামী ২৪ ঘণ্টার মধ্যে দক্ষিণ বঙ্গোপসাগর ও সংলগ্ন ভারত মহাসাগর এলাকায় একটি নিম্নচাপ তৈরি হওয়ার সম্ভাবনা রয়েছে। ভারতীয় আবহাওয়া বিভাগ সূত্রে এ খবর জানা গেছে।

এদিকে, আগরতলায় আবহাওয়া দপ্তর সূত্রে খবর আগামীকাল রাজ্যের বিভিন্ন স্থানে আকাশ আংশিক মেঘাচ্ছন্ন থাকবে। সকালে হালকা কুয়াশা পড়ার সম্ভাবনা রয়েছে। আজ দিনের সর্বোচ্চ তাপমাত্রা ছিল ২৯.৫ ডিগ্রি সেলসিয়াস এবং সর্বনিম্ন ১৩ ডিগ্রি সেলসিয়াস। আগামীকাল দিনের সর্বোচ্চ তাপমাত্রা ৩০ ডিগ্রি সেলসিয়াস এবং সর্বনিম্ন ১৩ ডিগ্রি সেলসিয়াসের কাছাকাছি থাকতে পারে।

\*\*\*\*\*

\*\*\*\*\*